

**Uunga siunnersuut: Piginneqatigiilluni inissiat pillugit Inatsisartut inatsisaat nr. xx, xx.
xxx 2017-imeersoq**

Kapitali 1

Atuuffii ilaalu ilanngullugit

§ 1. Inatsisartut inatsisaat manna piginneqatigiilluni inissiaatillit peqatigiiffiinut atuuppoq, tassani ilaasortaanernut ataasiakkaanut tamaginnut inissiamut najugaqarfingineqartussamut atuisinnaatitaaneq atatinneqarluni.

Imm. 2. Piginneqatigiilluni inissiaatillit peqatigiiffiat ataaseq ikinnerpaamik pingasunik najugaqarfiusumik inissiartaqassaaq.

Imm.3. Piginneqatigiilluni inissiaatit inissiatut quleriaatut imaluunniit eqimasutut-pukkitsutut sananeqassapput, tamarmik immikkut silamiit isertarfeqassallutik, namminerisaminnik igaffeqassallutik igasarfeqassallutilluunniit, kiisalu uffarfeqassallutik perusuersartarfeqassallutillu. Piginneqatigiilluni inissiat pissusissamisoortumik ataatsimoortutut ilusiligaassapput.

Imm. 4. Pissutsini immikkut ittuni piginneqatigiilluni inissiat ilaqtariinnut ataatsinut inissiatut imaluunniit illutut affarleriittut sananeqarnissaat tiguneqarnissaalluunniit kommunalbestyrelsip akuerisinnaavaa.

§ 2. Piginneqatigiilluni inissiaatillit peqatigiiffiannut imaluunniit piginneqataasumut nutaanik inissialiornissamut imaluunniit pisinissamut imaluunniit kommunip inissiaataanik attartortittakkamik tigusinissamut taarsigassarsitsinermut atugassarititaasutut, piginneqatigiilluni inissiaatillit peqatigiiffiata imaluunniit piginneqataasup illuut imaluunniit piginneqatigiilluni inissiaatillit peqatigiiffiata ingerlanneqarnera pillugu aalajangiisinnaatitaaneranut sunniuteqartarnissaq imaluunniit annikillisitsinissaq, Inatsisartut inatsisaanni matumani maleruagassat malillugit pisussat saniatigut, piumasaqaatigineqarsinnaanngilaq.

Kapitali 2

*Nutaanik inissialiornissamut taarsigassarsiarititat
Taarsigassarsiarititanut killiliussat*

§ 3. Kommunalbestyrelsi piginneqatigiilluni inissiaatillit peqatigiiffiata inissianik nutaanik sanaartornissaanut imaluunniit pisinissaanut aningaasartuutit tamarmiusut ilaannakortumik aningaasalersornissaannut taarsigassarsitsisinnaavoq.

Imm. 2. Taarsigassarsiarititat, inissiaq anginerunersoq apeqqutaatinnagu, inissiami inissiap annertussusaanut annerpaamik 110 m^2 angullugu tunniunneqarsinnaapput.

Imm. 3. Taarsigassarsiarititat aningaasartuutit annertunerunersut apeqqutaatinnagu, aningaasartuutinut tamarmiusunut annerpaamik m^2 -imut kr. 20.000-it angullugit tunniunneqarsinnaapput.

Imm. 4. Piginneqataasut ataasiakkaat aningaasartuutit tamarmiusut imaluunniit inissiap piginneqataasup atuisussaatitaaffigiligassaata nalingata piginneqataasut akornanni iluarsineqartup 5 %-iannik siulequtsiillutik akiliuteqarpata, aatsaat taarsigassarsiat tunniunneqarsinnaapput.

Imm. 5. Aningaasartuutinit tamarmiusunit sinneruttut, piginneqatigiilluni inissiaatillit peqatigiiffiata nammineerluni aningaasalersussavai.

§ 4. Nuummi communalbestyrelsi aningaasartuutit tamarmiusut 45 %-ii angullugit taarsigassarsitsisinhaavoq, taamaattoq annerpaamik § 3, imm. 2 aamma 3 malillugit naatsorsorneqartutut, inissiamut ataatsimut kr. 990.000-inik annerpaamik taarsigassarsitsisoqassalluni.

§ 5. Qaqortumi, Sisimiuni, Aasianni aamma Ilulissani communalbestyrelsi aningaasartuutit tamarmiusut 55 %-ii angullugit taarsigassarsitsisinhaavoq, taamaattoq annerpaamik § 3, imm. 2 aamma 3 malillugit naatsorsorneqartutut, inissiamut ataatsimut kr. 1.210.000-inik annerpaamik taarsigassarsitsisoqassalluni.

§ 6. Maniitsumi aamma Tasiilami communalbestyrelsi aningaasartuutit tamarmiusut 60 %-ii angullugit taarsigassarsitsisinhaavoq, taamaattoq annerpaamik § 3, imm. 2 aamma 3 malillugit naatsorsorneqartutut, inissiamut ataatsimut kr. 1.320.000-inik annerpaamik taarsigassarsitsisoqassalluni.

§ 7. Illoqarfinni nunaqarfinnilu allani communalbestyrelsi aningaasartuutit tamarmiusut 65 %-ii angullugit taarsigassarsitsisinhaavoq, taamaattoq annerpaamik § 3, imm. 2 aamma 3 malillugit naatsorsorneqartutut, inissiamut ataatsimut kr. 1.430.000-inik annerpaamik taarsigassarsitsisoqassalluni.

§ 8. Piginneqatigiilluni inissiami inigisap annertussusaa inissiami init tamarmik annertussusaattut naatsorsorneqassaaq. Pequusiviit, quit, aneersuartarfiit, biilinut oqqisitsiviit biilliuunniit unittarfii qulisat, illup silammut iigaasa avataaniittut imaluunniit inissiamit immikkoortillugit inissitat, oqorsarlugit inigisassatut atorneqassanngippata, naatsorsuinermi ilanngunneqassanngillat.

Imm. 2. Inigisap annertussusaa imatut naatsorsorneqassaaq:

1) Naqqup ataani inigisap annertussusaa, naqqup ataata silammut iigaaniit takissusaa silissusaanut amerlisillugu, uuttorneqassaaq. Naqqup ataa tamakkerluni atorneqanngippat, iikkat ilorliit, ininut naatsorsuinermi ilaatinneqartunut killiliisut qeqqiniit inigisap annertussusaa naatsorsorneqassaaq. Init naqqi tamakkerlutik cementimik betonimilluunniit qalligaanngitsut naatsorsuinermut ilaatinneqassanngillat.

2) Inini qulerriaani nalinginnaasuniittuni, inissiami ataatsimi silataani iikkamiit imaluunniit qaliata silataaniit, takuuk nr. 3, aamma inissiat akunnequtaasa qeqqanniit uuttorlugu, takissusaa silissusaanut amerlisillugu, inigisap annertussusaa naatsorsorneqassaaq.

Ilaqtariinnut arlalinntu inissiani illup isui naatsorsuinermi inissiat akunnequtaasa affaattut

ilanngunneqassapput. Qisuit qalliutit marluuppata, silataani qisummit allermiit uuttuisoqassaaq.

3) Qaliani inigisap annertussusaata naatsorsornerani illup takissusaa silissusaanut amerlisillugu naatsorsorneqassaaq. Takissusaa inini quleriaani ataatsitut nalinginnaasutut uuttorneqassaaq, silissusaalu illup silataani qaliat qaavisa qaliap naqqanit 1,5 meterinik portussuseqartut akornanni ungasissaattut uuttorneqassalluni. Aniinganerit, soorlu qaliani aniiingarnit iikkat inimut killiliissutaasut silataannut uuttorneqassapput.

Imm. 3. Naqqup ataani qalianilu inigisap annertussusaa, takuuk imm. 2, nr. 1 aamma nr. 3, aatsaat init najugaqarfissatut suliarineqarsimappata ilanngunneqassapput.

Imm. 4. Init aalaakkaasumik natiligaanngitsut uuttortaanermut ilanngunneqassanngillat, taamaattorli takuuk imm. 5.

Imm. 5. Inissiap iluani majuartarfiit naatsorsuinermi inini quleriaani tamani aquteqarfisaannut ilanngunneqassapput. Torsusat, majuartarfiit majuartarfiillu sangoriaat ataatsimoorussat, illumi ininut kiassakkanut qallersuutit iluiniittut naapertuuttumik, annerpaamilli 11 m^2 -nik annertussusilerlugin naatsorsuinermi ilanngunneqassapput.

§ 9. M^2 -imut inissiamut aningaasartuutit sanaartornermut aningaasartuutitut tamarmiusut naatsorsorneqassapput, inissiat ataatsimut m^2 -imut annertussusaannut agguarlugu.

Imm. 2. Aningaasartuutini tamakkiisuni sanaartornermut atatillugu aningaasartuutissat tamarmik ilaatinneqarsinnaapput.

Qularnaveeqqusiuissaq

§ 10. Kommunalbestyrelsip taarsigassarsiarititaat piginneqatigiilluni inissiatillit peqatigiiffiata illuutaasa qularnaveeqqusiuinneqarnerisigut qularnaarneqassapput. Taarsigassarsiat piginneqatigiilluni inissiatillit peqatigiiffiata illuutaa qularnaveeqqusiuullugu sanaartornermut aningaasartuutinit tamakkiisunit sinneruttunut aningaasalersuutissatut taarsigassarsiarititaasimasut akilereernerini, akilerneqartussatut inisisimassaaq.

Imm. 2. Taarsigassarsiarititat atuilernissamut akuersissutip imaluunniit illuutip tiguneqarnerata ullua aallarnerfigalugu ukiut 30-it tikillugit ernialersugaanatillu akilersugassaanngillat, tamatuma kingorna Nationalbankip ernialiussaa 3 procentpointinik ilallugu annertussusilimmik erniaqartillugit, ukiut 15-it tikillugit taarsigassarsiatut annertoqqatigiimmik akilersorneqartussatut, akilersorneqassallutik.

Imm. 3. Taarsigassarsiat akilersorneqartarnerat aammalu akilersuutinik akiliisarneq pillugit maleruagassanik Naalakkersuisut aalajangersaasinnaapput.

Taarsigassarsitsinissamik neriorsuuteqarneq

§ 11. Inissianik sanaartornissamut taarsigassarinissamik allakkatigut qinnuteqaatit kommunalbestyrelsimi suliarisassanngorlugit nassiunneqassapput.

Imm. 2. Qinnuteqaammut ilanngunneqassapput:

1) Pilertsinermut isumaqatigiissut, pilertsisunit tamanit atsiorneqarsimasoq.

- 2) Piginneqatigiilluni inissiaatillit malittarisassaat.
- 3) Pilersaaruseiamut nassuiaat, inissiat amerlassusaannik inigisallu katillugit annertussusaanik paasissutissartalik.
- 4) Sananermut aningaasartuutit tamakkiisut takussutissiornerat.
- 5) Piginneqatigiilluni inissiaatillit peqatigiiffiannut nunaminertamik inniminniineq imaluunniit atugassiineq.
- 6) Piginneqataasut aamma piginneqatigiilluni inissiaatillit peqatigiiffiata namminneerlutik aningaasalersutissaminnik pissarsisinnaanerannut uppernarsaat.

§ 12. Qinnuteqaat nassiunneqartoq tunngavigalugu taarsigassarsitsinissamik neriorsuut qinnutigineqartoq tunniunneqarsinnaanersoq, kommunalbestyrelsi aalajangiissaq.

Imm. 2. Taarsigassarsiarititassat akuersissutigineqarnissaannut piumasarineqarpoq:

- 1) Sanasussanut akigitinneqartussat pillugit pisussaaffilisumik isumaqatigiissuteqartoqarsimannginnissaa, aammalu sanaartugassat aallartinneqarsimannginnissaat.
- 2) Illuliorerup immikkoortuini tamaginni peqatigiiffiup soqutigisaasa isumaginissaannut illuliorermut sulianut piginnaasaqartumik, piginneqatigiilluni inissiaatillit peqatigiiffiata pissarsisimanissaa.
- 3) Sanaartukkami piffissami sanaartorfiusumi sanaartornermut pilersaaruseiornermullu inatsisit atuuttut naammassineqarsimanissaat.

Imm. 3. Siunnersortitut sulianut ilisimasaqartutut isigineqarput inuit imaluunniit suliffeqarfii, illussanik titartaasartutut, illuliorermi ilusilersuisartutut, illuliorermi ingeniøreritut assigisaannilluunniit ilinniagaqarsimanermik tunuliaqutaqartut. Siunnersortimut isumaqatigiissut atugassarititaasut nalinginnaasut tunngavigalugit isumaqatigiissutigineqassaaq aammalu tassani sanaartornerup nalaani nakkutilliineq ilaatinneqassalluni.

Imm. 4. Illuliorermik ilisimasalinnik siunnersortissarsisarneq tamatumalu annertussusissaapput maleruagassanik Naalakkersuisut aalajangersaasinnaapput.

Imm. 5. Digitalimik illuliorermut suliassanik aqtsinermik atuinissaq pillugu maleruagassanik Naalakkersuit aalajangersaasinnaapput.

§ 13. Kommunalbestyrelsip qinnuteqaat akuerippagu, kommunalbestyrelsi taarsigassarsitsinissamik neriorsummik tunniussissaq, tassanilu taarsigassarsiarititassat amerlassuserigallagassaat taarsigassarsitsinermullu atugassarititaasut allassimassapput.

Imm. 2. Taarsigassarsiarititassat inaarutaasumik annertussusissaat, sanaartornermut naatsorsuutit arlaannaannulluunniit attuumassuteqanngitsumit akuerisat tunngavigalugit naatsorsorneqassapput.

Imm. 3. Sanaartornermut aningaasartuutissanut missingersuusiat, taarsigassarsiat akuerineqarnerannut tunngaviusimasut allannguuteqarpata, aammalu allannguutit taarsigassarsiat inaarutaasumik annertussusissaannut sunniuteqartussanngorpata, piginneqatigiilluni inissiaatillit peqatigiiffiata tunngavissaqanngitsumik kinguarsaanertaqanngitsumik tamanna kommunalbestyrelsimit nalunaarutigissavaa. Tamanna

pinngippat taarsigassarsiat inaarutaasut neriorsuutigineqartunit annertunerulersinneqasinnaanngillat.

§ 14. Sanaartorneq communalbestyrelsimit taarsigassarsitsinissamik neriorsuutitut allakkiap suliarineqarnerani ulluliussamiit ukiut marluk qaangiutsinnagit aallartinneqarsimassaqq, aammalu ukiut pingasut qaangiutsinnagit naammassineqarsimassalluni atorneqalersimassallunilu. Tamanna pinngippat neriorsuut sumut ilisimatitsinertaqanngitsumik atorunnaarsinnejassaaq.

Imm. 2. Piginneqatigiilluni inissiaatillit peqatigiiffiat taarsigassarsitsinissamik neriorsuutitut allakkiap suliarineqarnerani ulluliussamiit ukiut marluk qaangiutsinnagit sanaartorneq aallartinneqareersimanersoq aallartinneqareersimannginnersorluunniit pillugu paasissutissanik communalbestyrelsimit nassiussissaqq. Sanaartorneq aallartinneqareersimappat tamanna pillugu nalunaarut, piginneqatigiilluni inissiaatillit peqatigiiffiata suliarisimasaa aammalu kommunip teknikkimut ingerlatsiviani sumiiffimmiittumi uppernarsarnejarsimasoq ilanngunneqassaaq.

Imm. 3. Piginneqatigiilluni inissiaatillit peqatigiiffiata taarsigassarsitsinissamik neriorsuutitut allakkiap suliarineqarnerani ulluliussamiit ukiut pingasut qaangiutsinnagit communalbestyrelsimit atuilernissamut akuersissutip assilinera nassiutissavaa.

Imm. 4. Sanaartornerup kinguaattoornerani communalbestyrelsip inassuteqareerneratigut imm. 1-imi piffissamut killissarititassatut allassimasut saneqqunneqarnissaannut immikkut ittumik Kommunalbestyrelsi akuersissuteqarsinnaavoq.

Tunniussineq

§ 15. Inissiat naammassineqareerpata aammalu tiguneqareerpata aammalu aatsaat atuilernissamut akuersissutip, sanaartornermut naatsorsuutit inaarutaasumik arlaannaannulluunniit attuumassuteqanngitsumik uppernarsarnejarsimasut aamma qularnaveeqquasiussaqarluni taarsigassarsitsinermut uppernarsaatip allaqqaarnerata oqaaseqarfingineqarani nalunaarsorneqarsimasup kiisalu ikuallattoornissamut illuutillo ajoqusernissaanut sillimmasiussap takutinneqarneranni communalbestyrelsip taarsigassarsiarititai tunniunneqassapput. Aammattaaq piffissakkaartumik pilersaarutaasumillu aserfallatsaaliuinissamut pilersaarut nassiunneqassaaq.

Imm. 2. Kommunalbestyrelsip taarsigassarsiarititai ukiumi aningaasaliissutit communalbestyrelsip missingersuutaanni akuerisani ilanngunneqarfianni, siusinnerpaamik tunniunneqassapput.

Kapitali 3

*Sanatitsisoq namminersortoq sanatitsisuulluni, piginneqatigiilluni inissiaatillit
peqatigiiffiannut tunniunneqartussanik inissialianik nutaanik sanaartorneq
Taarsigassarsianut killiliussat il.il.*

§ 16. Sanatitsisoq namminersortoq inissianik nutaanik, piginneqatigiilluni inissiatillit peqatigiiffiannut tunniunneqarnissaat siunertaralugu sanasinnaavoq.

§ 17. Kommunalbestyrelsi § 16 malillugu inissialiornissamut taarsigassarsitisinnaavoq. §§ 3-10 taamaaqataanik atuutissapput.

Taarsigassarsitisinissamik neriorsuut

§ 18. Inissianik sanaartornissamut taarsigassarsitinnejarnissamik neriorsuummik allakkatigut qinnuteqaat communalbestyrelsini suliassanngorlugu nassiunneqassaaq.

Imm. 2. Qinnuteqaammut ilanngunneqassapput:

- 1) Pilersaaruseamut nassuaat, inissiat amerlassusaannik inigisallu katillugit annertussusaanik paasissutissartalik.
- 2) Pitsaassutsinik isumannaarinissamut pisussanut pilersaarummut aamma nakkutilliinissamut pilersaarut.
- 3) Sananermi sanaartornermut aningaasartuutit tamakkiisut takussutissiorerat.
- 4) Kommunalbestyrelsimit nunaminertamik tunineqarnissamut neriorsuutaagallartoq.
- 5) Sanatitsisup namminersortup pisortanut akiitsui pillugit akiliisitsiniartarermut oqartussamit oqaaseeqaat.
- 6) Sanatitsisup namminersortup sanaartornermut aningaasartuutinit tamakkiisunit sinneruttut pissarsiarisinnaanerannut upfernarsaat.

§ 19. Qinnuteqaat nassiunneqartoq tunngavigalugu taarsigassarsitisinissamik neriorsuut qinnutigineqartoq tunniunneqarsinnaanersoq communalbestyrelsi aalajangiissaaq.

Imm. 2. Taarsigassarsiarititassat akuersissutigineqarnissaannut piumasarineqarpoq:

- 1) Sanasussanut akigitinneqartussat pillugit pisussaaffiliisumik isumaqatigiissuteqartoqarsimannnginnissaa, aammalu sanaartugassat aallartinneqarsimannnginnissaat.
- 2) Sanaartukkami piffissami sanaartorfiusumi sanaartornermut pilersaaruseornermullu inatsisit atuuttt naammassineqarsimanissaat.

Imm. 3. Digitalimik sanaartornermut suliassamik aqtsinermik atuinissaq pillugu maleruagassanik Naalaakkersuisut aalajangersaasinnaapput.

§ 20. Kommunalbestyrelsip qinnuteqaat akuerippagu, communalbestyrelsi taarsigassarsitisinissamik neriorsuummik tunniussissaaq, tassanilu taarsigassarsiarititassat amerlassuserigallagassaat taarsigassarsitisinermullu atugassarititaasut allassimassapput.

Imm. 2. Taarsigassarsiarititassat inaarutaasumik annertussusissaat, sanaartornermut naatsorsuutit suliamut attuumassuteqanngitsumit akuerisat tunngavigalugit naatsorsorneqassapput.

Imm. 3. Sanaartornermut aningaasartuutissanut missingersuusiat, taarsigassarsiat akuerineqarnerannut tunngaviusimasut allannguiteqarpata, aammalu allannguutit taarsigassarsiat inaarutaasumik annertussusissaannut sunniuteqartussanngorpata, piginneqatigiilluni inissi-

aatillit peqatigiiffiata tunngavissaqanngitsumik kinguarsaanertaqanngitsumik tamanna kommunalbestyrelsimit nalunaarutigissavaa. Tamanna pinngippat taarsigassarsiat inaarutaasut neriorsuutigineqartunit annertunerulersinnejarsinnaanngillat.

§ 21. Kommunalbestyrelsi qinnuteqartumut kr. 100.000 sinnerlugit pisortanut akilerneqanngitsunik akiitoqartumut, taarsigassarsitsinissamut neriorsummik tunniussisinnaanngilaq.

§ 22. Sanaartorreq kommunalbestyrelsimit taarsigassarsitsinissamik neriorsuutitut allakkiap suliarineqarnerani ulluliussamiit ukiut marluk qaangiutsinnagit aallartinneqarsimassaq, aammalu ukiut pingasut qaangiutsinnagit naammassineqarsimassalluni atorneqalersimassallunilu. Tamanna pinngippat neriorsuut sumut ilisimatitsinertaqanngitsumik atorunnaarsinneqassaaq.

Imm. 2. Piginneqatigiilluni inissiaatillit peqatigiiffiat taarsigassarsitsinissamik neriorsuutitut allakkiap suliarineqarnerani ulluliussamiit ukiut marluk qaangiutsinnagit sanaartorreq aallartinneqareersimanersoq aallartinneqareersimannginnersorluunniit pillugu paasissutissanik kommunalbestyrelsimit nassiussissaq. Sanaartorreq aallartinneqareersimappat tamanna pillugu nalunaarut, piginneqatigiilluni inissiaatillit peqatigiiffiata suliarisimasa, aammalu kommunimi teknikkimut ingerlatsivimmit sumiiffimmiittumit uppermarsarneqarsimasoq ilanngunneqassaaq.

Imm. 3. Kommunalbestyrelsi sanaartornerup kinguaattoornerani, piffissamut killiliussat imm. 1-imi allassimasut saneqqunneqarnissaannik akuersisinnaavoq.

Imm. 4. Piginneqatigiilluni inissiaatillit peqatigiiffiata taarsigassarsitsinissamik neriorsuutitut allakkiap suliarineqarnerani ulluliussamiit ukiut pingasut qaangiutsinnagit kommunalbestyrelsimit atuilernissamut akuersissutip assilinera nassiutissavaa.

Taarsigassarsitsinissamut neriorsuutip aamma inissiat tunniunneqarnerat

§ 23. Sanatitsisup namminersortup kingusinnerpaamik atuilernissamut akuersissutip tunniunneqarnerani inissiat piginneqatigiilluni inissiaatillit peqatigiiffiannut, pisinermut akiusumik, sanatitsisumit aalajangerneqarsimasumik tamakkiisumik akilersillugit tunniutissavai. Taamaattoqanngippat, tamatumani kommunalbestyrelsi allamik aalajangiisimanngippat, taarsigassarsitsinissamik neriorsuut atorunnaassaaq.

Imm. 2. Pisinermut akiusumut tamakkiisumut pisinermut atatillugu aningaasartuutit tamakkiisut ilanngunneqassapput.

§ 24. Inissiat sanatitsisumit namminersortumit sananeqartut piginneqatigiilluni inissiaatillit peqatigiiffianni ilaasortanit amerlaneruppata, sanatitsisup kommunalbestyrelsi piginneqataassutissani inuttaqanngitsuni piginneqataalernissamik neqeroorfigissavaa. Kommunalbestyrelsi piginneqataalinngippat, sanatitsisoq piginneqataassutissanik inuttaqanngitsunik piginneqataalissaaq.

Imm. 2. Piginneqatigiilluni inissiaatillit peqatigiiffiata ineqarnermut akitsuut, inissiamut atuisinnaatitaaffiusumut aalajangerneqartoq sanatitsisumut imaluunniit kommunalbestyrelsimit, piginneqataalersumut akilersissavaa.

§ 25. Sanatitsisup Inatsisartut inatsisaanni matumani maleruagassat malillugit inissiat § 24, imm. 1, uniffiup aappaa naapertorlugu tiguneqarsimasut, allamut attartortissinnaavai.

Imm. 2. Allamut attartortitsineq taamaallaat atugassarititaasut piffissamut killiligaasut tunngavigalugit aammalut qaaamatit 12-kkaarlugit pisinnaavoq, qaaamatit 6-ikkaarlugit sivitsuisarnissaq periarfissaqarluni. §§ 63-65 taamaaqataanik atuutissapput.

Imm. 3. Sanatitsisoq, piginneqataassutiminik inunnut, piginneqatigiilluni inissiaatillit peqatigiiffiata akuersineratigut piginneqatigiilluni inissiaatillit peqatigiiffianni ilaasortangorsinnaasunut tunniussiniassalluni, pisussaaffeqarpoq.

Imm. 4. Attartortoq inigisani qimallugu nuuppat, sanatitsisoq tamanna pillugu piginneqatigiilluni inissiaatillit peqatigiiffiannut nalunaarutiginnissaaq.

Imm. 5. Piginneqataassutit atuisinnaatitaaffiusut, Inatsisartut inatsisaannut matumunnga aamma piginneqatigiilluni inissiaatillit peqatigiiffiata malittarisassaannut naapertuuttumik, piginneqatigiilluni inissiaatillit peqatigiiffiat aqqutigalugu, tuniniarneqassapput.

Piginneqatigiilluni inissiaatillit peqatigiiffiat piginneqataassutinik tigusisussanik inunnik innersuussinngippat, piginneqataassut tunineqartussatut tamanut ammasumik nalunaarutigineqassaaq.

Imm. 6. Sanatitsisup piginneqatigiilluni inissiamik allamut attartortitsinera, piginneqatigiilluni inissiamik piginneqataasup allamut attartortitsineranut sanilliunneqassaaq.

§ 26. Kommunalbestyrelsip inissiat § 24, imm. 1. uniffik siulleq naapertorlugu tiguneqarsimasut, inissianik attartortitsisarneq pillugu inatsimmi namminersortut attartortitsisarnerat pillugu maleruagassat sukkulluunniit atuuttut malillugit, attartortissinnaavai. Attartornermut akiliut, annerpaamik piginneqatigiilluni inissiaatillit peqatigiiffiannut ineqarnermut akitsuut 15 %-imik ilassuserlugu, annertussuseqarsinnaavoq.

Imm. 2. Kommunalbestyrelsi piginneqataassutimi, inunnut piginneqatigiilluni inissiaatillit peqatigiiffiata akuersissuteqarneratigut, piginneqatigiilluni inissiaatillit peqatigiiffianni ilaasortangorsinnaasunut, tunniunniarnissaannut pisussaaffeqarpoq.

Imm. 3. Attartortup inigisani qimallugu nuuppat, kommunalbestyrelsip piginneqatigiilluni inissiaatillit peqatigiiffiat tamanna pillugu nalunaarfigissavaa.

Imm. 4. Piginneqataassut atuisinnaatitaaffiusoq, Inatsisartut inatsisaannut matumunnga aamma piginneqatigiilluni inissiaatillit peqatigiiffiata malittarisassaannut naapertuuttumik, piginneqatigiilluni inissiaatillit peqatigiiffiat aqqutigalugu, tuniniarneqassaaq.

Piginneqatigiilluni inissiaatillit peqatigiiffiat piginneqataassumik tigusisussamik inummik innersuussinngippat, piginneqataassut tunineqartussatut tamanut ammasumik nalunaarutigineqassaaq.

Imm. 5. Kommunalbestyrelsi piginneqataasutut, attartortup piffissami attartorfiusumi iliuuseqarnerinut, iliuuseqannginnerinut aamma aalajangiinerinut allanut, piginneqatigiilluni

inissiaatillit peqatigiiffiannut tunngatillugu, akisussaasuuvvoq. Attartortoq § 65 malillugu taassuma pisinnaatitaaffiini killiliinerit pillugit allakkatigut ilisimatinneqassaaq.

Imm. 6. Piginneqatigiilluni inissiaatillit peqatigiiffiata malittarisassaanni aalajangersakkat, attartortumut toqqaannartumik pisussaaffiliippuit.

§ 27. Kommunalbestyrelsip sanatitsisumut namminersortumut taarsigassarsitsinissamik neriorsuuta, inissiat ilanngullugit piginneqatigiilluni inissiaatillit peqatigiiffiannut tunniunneqassaaq.

Imm. 2. Pisinermut akigititaasup inissiamut piginneqataasup atuisinnaatitaaffigisaanut naligitinneqartup naleqqussakkap 5%-iinik piginneqataasut ataasiakkaat aallarniutissanut nammineerlutik akiliuteqarpata, taarsigassarsiarititassat aatsaat tunniunneqarsinnaapput.

Imm. 3. Aningaasartutissanit tamakkiisunit sinneruttut, piginneqatigiilluni inissiaatillit peqatigiiffiata nammineerluni aningaasalersussavai.

§ 28. Inissiat tunniunneqarnerinut nalunaarut kommunalbestyrelsimit nassiunneqassaaq.

Imm. 2. Nalunaarummut ilanngunneqassapput:

- 1) Pilersitsinermut isumaqtigiissut, pilersitsisunit tamanit atsiorneqarsimasoq.
- 2) Piginneqatigiilluni inissiaatillit malittarisassat.
- 3) Pisinermut uppernarsaat atsiorneqarsimasoq nunaminertamik atugassiineq aamma atuilernissamut akuersissut tassunga atasoq.
- 4) Sanatitsisup pitsaassutsimik isumannaarineranut aamma inissiat sananeqarnerisa nalaanni nakkutilliineranut uppernarsaat.
- 5) Sanatitsisup inissianik piffissakkaartumik pilersaarutaasumillu aserfallatsaaliuinissamut pilersaarutaa.
- 6) Piginneqataasut aamma piginneqatigiilluni inissiaatillit peqatigiiffiata nammineerlutik aningaasalersuutissaminnik pissarsisinnaanerannut uppernarsaat.

Tunniussineq

§ 29. Inissiat naammassereerpata aammalu piginneqatigiilluni inissiaatillit peqatigiiffiannit tiguneqareerpata aammalu uppernarsaatit § 28, imm. 2-imi allassimasut kiisalu qularnaveeqqusiuissaqarluni taarsigassarsitsinermut uppernarsaatip allaqqaarnera oqaaseqarfingeqanngitsumik nalunaarsorsimasoq naqissuserneqarsimasorlu kiisalu ikuallattoornissamut aamma illuutip ajoquusernissaanut sillimmasiissut saqqummiunneqarpata, kommunalbestyrelsip taarsigassarsiarititai tunniunneqassapput.

Imm. 2. Taamaattoq kommunalbestyrelsip taarsigassarsiarititai siusinnerpaamik ukiumi aningaasaliissutit missingersuutini kommunalbestyrelsimit akuerineqartuni ilanngunneqarfianni, tunniunneqassapput.

Imm. 3. Taarsigassarsiaritat piginneqatigiilluni inissiaatillit peqatigiiffiata illuutaa qularnaveeqqusiuullugu qularnaveeqquserneqassapput. Qularnaveeqqusiuissaqarluni taarsigassarsitsinermut uppernarsaat, taarsigassarsiat illuut qularnaveeqqusiuullugu pisinermi

akigititap tamarmiusup ilaata sinneruttup aningaasalorsornissaanut tunniunneqarsimasut, akilerneqareerpata akilerneqartussatut inissinneqassaaq.

Kapitali 4

Kommunit inissiaataasa attartortittakkat piginneqatigiilluni inissiatut tiguneqarnissaannut taarsigassarsitsitsineq

§ 30. Kommunalbestyrelsi, piginneqatigiilluni inissiaatillit peqatigiiffiata kommunip inissiaataannik attartortittakkaniq tigusinissaanut aningaasartuutit tamarmiusut ilaannakortumik aningaasalorsorneqarnerannut, taarsigassarsitsisinhaavoq. §§ 3-10 taamaaqataannik atuupput.

§ 31. Kommunip illuutaanni attartortittakkaniq inissiartaqaqtumi attartortut inissianik attartukkaminnik piginneqatigiilluni inissiatut tigusinissamik communalbestyrelsimit qinnuteqarsinnaapput.

Imm. 2. Illuummi attartortittakkaniq inissiartaqaqtumi attartortut, inissianik attartukkaminnik piginneqatigiilluni inissiaatitut tigusinissamik kissaateqartut, illuummi attartortittakkaniq inissiartaqaqtumi tamarmiusumi attartortut tamakkiisut 75%-erissavaat. Inissiami ataatsimi attartortoq ataasiinnartut naatsorsorneqartarpooq, attartornermut isumaqatigiissummi allassimasut amerlassusaat apeqqutaatinnagu.

Imm. 3. Illuummi attartortittakkaniq inissiartaqaqtumi attartortut tamarmik piginneqatigiilluni inissiaatillit peqatigiiffiannit piginneqatigiilluni inissiaatillit peqatigiiffiannit ilaasortanngornissamik allakkatigut neqeroorfingeqassapput.

§ 32. Kommunip illuutaat attartortittakkaniq arlalinnik inissiartaqartoq tamakkerlugu taamaallaat tiguneqarsinnaavoq, taamaallunilu piginneqatigiilluni inissiaatillit peqatigiiffiat illuut attartortittagaq inissiartaqartoq tamakkerlugu piginnittussaatitaalissalluni.

§ 33. Attartortut kommunip illuutaannik attartortittakkaniq inissiartaqaqtunik piginneqatigiilluni inissianngortitsinissamik qinnuteqaataat, communalbestyrelsimit nassiunneqassaaq. Pilfersinermi isumaqatigiissut, pilfersitsisunit tamanit atsiorneqarsimasoq aammalu piginneqatigiilluni inissiaatillit peqatigiiffiata malittarisassai, qinnuteqaammut ilanngunneqassapput.

§ 34. § 33 naapertorlugu qinnuteqaat akuerineqarpat communalbestyrelsi piginneqatigiilluni inissiaatillit peqatigiiffiannut pisinissamut neqeroorummik aamma kommunip inissiaataasa attartortittakkat nassuaataannik, pisinermi akigititanik allanillu atugassarititaasunik, nassiussissaaq.

Imm. 2. Pisinissamut neqeroorut illuummi attartortittakkaniq inissiartaqaqtumi qularnaveeqquisiissutinut nalunaarsorsimasunut pisinnaatitaaffiusinnaasut piginnittumullu immikkut piumasaqataasimasinnaasut pillugit paassisutissanik imaqassaaq. Kommunalbestyrelsip piumasarisinnaavaa pisinissamut neqeroorut piginneqatigiilluni

inissiaatillit peqatigiiffiata illuut attartortittakkanik inissiartaqartoq qularnaveeqqusiullugu taarsigassarsianik pioreersunik communalbestyrelsimit taarsigassarsiaritinneqartunik, sabinngisamik annertunerpaanik tigusinissaanut atugassarititaasunik imaqassasoq.

§ 35. Pisinissamut neqeroorummik, takuuk § 34, suliaqarnermut atugassamik communalbestyrelsip illuut attartortittagaq illutaanni misissussavaa aammalu teknikkikkut-aningaasaqarnikkut nalilersuinermik suliaqassalluni. Piginneqatigiilluni inissiaatillit peqatigiiffiat illiortiternermut ilisimasalimmik, qanoq issutsimut nalunaarusiamik suliaqartussamik, siunnersortissarsiuissaq.

Imm. 2. Teknikkikkut-aningaasaqarnikkut nalilersuineq aamma qanoq issutsimut nalunaarusiaq ataatsimoorlutik communalbestyrelsip pisinissamut neqeroorutaanut tunngavissaliissapput.

Imm. 3. Naalakkersuisut teknikkikkut-aningaasaqarnikkut nalilersuineq pillugu aalajangersagaliorsinnaapput.

§ 36. Sanaartornermik ilisimasalik, tak. § 35, imm. 1 sanaartornermi nakkutilliinermik aamma sanaartornermi pilersaarusrornermik misilittagaqassaaq, aammalu illummut immikkut ittumik attuumassuteqartussaanani. Sanaartornermik ilisimasalik inuussutissarsiornermi akisussaanermut sillimmasersimassaaq.

Imm. 2. Piginneqatigiilluni inissiaatillit peqatigiiffiat aningaasalersuinermi siunnersortimik, illuutip attartortittakkanik inissiartaqartup tiguneranut atatillugu piginneqatigiilluni inissiaatillit peqatigiiffiannut ikuuttussamik atorfinitssissaaq.

§ 37. Sanaartornermik ilisimasallip qanoq issutsimut nalunaarusiaanut naapertuuttumik, tak. § 35, imm. 1 kommunip illuutaannut attartortittakkanik inissiartaqartumut pisinermut akigititassaq teknikkikkut aningaasaqarnikkullu nalinganut, tassaasumut illuutip pisiareqqinneranut akigititassaq nalikilliliinerit aserfallatsaaliorneqanngitsullu ilanngaatigalugit, aalajangerneqassaaq. Tassunga tigusinermut atatillugu aningaasartuutinut matussutissatut 2%-it ilanngunneqassapput.

Imm. 2. Illuut tigusinerup nalaani aserfallatsaalineqarsimannngippat, aserfallatsaalinerup aallarteqqinnissaanut aningaasartuutissanut matusissutissanik piginneqatigiilluni inissiaatillit peqatigiiffiat taarsigassarsisinaavoq. Taarsigassarsiat akilersorneqartussanik tulleriinnilersuinermi communalbestyrelsimit taarsigassarsianit sallinngortillugit inissinneqassapput.

Imm. 3. Najugaqarfimmi ataatsimi illummi inissianilu ataasiakkaani sillimmattisatut illuartitat ileqqaakkat illuutip attartortsiviusartup tigunerani piginneqatigiilluni inissiaatillit peqatigiiffiannut nakkartinneqassangillat.

§ 38. Illuut attartortittakkanik inissiartaqartoq nutaaq naammassineqarnerminiit atorneqalernerminiillu ukiup ataatsip iluani tiguneqassappat, pisinermut akiusoq sanaartornermut naatsorsuutit akuerisat tunngavigalugit aalajangerneqassaaq,

akigitassamullu tigusinermut atatillugu aningaasartuutinut matussutissatut 2%-it ilanngunneqassapput.

§ 39. Pissutsit immikkut tamatumunnga tunngavissaqartitsippata illuutip attartortittakkanik inissiartaqartup §§ 37 aamma 38 naapertorlugit akigitassatut aalajangersarneqartunit akikin-nerusumik tunineqarsinnaanera Naalakkersuisut aalajangersinnaavaat. Pisnissamut akigitassaq illuutip niuernermi nalinganit qaffasinnerulersinneqarsinnaanngilaq.

§ 40. Illuut attartortittakkanik inissiartaqartoq innaallagissamik, imermik, kiassarnermik, kuuffeqarfinnik imaluunniit atotorissaarutinik allanik ataatsimoortumik pilersuinermut attaviligaappat, piginneqatigiilluni inissiaatillit peqatigiiffiannut illuutip attartortittakkanik inissiartaqartup tunniunneqannginnerani, kommunalbestyrelsi pilersuinermik isumaginnifflusussamik pilersitsissaaq. Ataatsimoortumik pilersuinermut ilaatinneqarpoq pilersuineq piginneqataasunut ataasiakkaanut immikkut atuinermut uuttuutit tunngavigalugit akiliisitsisinnaanngippat.

Imm. 2. Kommunalbestyrelsip atotorissaarutit ataatsimoorussat nassuiassavai agguassallugillu aammalu taakkua pilersuinermik isumaginnittussamut tunniutissallugit. Atotorissaarutit ataatsimoorussat agguarneri sapingnisamik pisortat pilersuinermut aqquusersuutaannut pingarnernut atassuserlugit, pissaaq. Pilersuinermut isumaginnittussaaq pilersuisussanut ataasiakkaanut isumaqateqassaaq.

Imm. 3. Pilersuinermut isumaginnittussamut malittarisassat, atotorissaarutinut ataatsimoorussanut nassuiaatitaqartut agguanertaqartullu aammalu illuutit attavilerneqartut ilaasortaanissamut pisussaaffigisaat, piginneqatigiilluni inissiaatillit peqatigiiffiannut tunniussisoqarsinnaanngqqullugu illummut attartortittakkanik inissiartaqartumut pisussaaffiliisumik nalunaarsorneqassapput.

Imm. 4. Pilersuinermut isumaginnittussaaq, pilersuisunut ataasiakkaanut isumaqatigiissuteqassaaq. Pilersuinermut isumaginnittussaaq illuutini ataasiakkaani piginnittunut, pilersuinermut isumaginnittussap atotorissaarutaannut ataatsimoorussanut attaviligaasunut, akiliutissamik akiliisitsissaaq.

Imm. 5. Pilersuinermut isumaginnittup akiliussisimaneranut qularnaveeqqutitut immikkut piumasqaatitalerlugu 50.000 kr. inissiamut immikkut nalunaarsortinnejassapput pilersuinermut isumaginnittumut iluaqutaasussanngorlugit.

§ 41. Kommunalbestyrelsip tigusinermut atatillugu aningaasartuutit akilissavaat, takukkit §§ 37-38.

§ 42. Attartortoq, inigisaminik attartortittakkamik piginneqatigiilluni inissiatut tigusinissamik kissaateqanngitsoq, takuuk § 31, imm. 3:

- 1) Inigisamini attartortittakkami najugaqaannarsinnaavoq.
- 2) Illoqarfimmi tassani, inissianik attartortitsisarneq pillugu inatsisit sukkulluunniit atuuttut tamatumunnga periarfissaqartitsippata, inissiamik attartortittakkamik allamik neqeroorfingeqarnissamik communalbestyrelsi qinnuigisinnavaa.

Imm. 2. Kommunalbestyrelsi piginneqatigiilluni inissiaatillit peqatigiiffianni piginneqataasutut inississaq, inissianut attartortunit, inigisaminik attartortittakkamik piginneqatigiilluni inissiatut tigusinissamut kissaateqanngitsunit, najorneqartunut, atuisinnaatitaassalluni. Kommunalbestyrelsi piginneqatigiilluni inissiaateqartutut attartortup iliuusaanut, iliuuseqarfiginngisaanut suliaanullu allanut attartorneqarnerani piginneqatigiilluni inissiaatillit peqatigiiffianut akisussaasuovoq. Attartortoq allakkatigut ilisimatinneqassaaq § 65 naapertorlugit pisinnaatitaaffianik annikinnerusumik periarfissaqarnera. Piginneqatigiilluni inissiaatillit peqatigiiffiata communalbestyrelsi inissianut atuisinnaatitaaffigiligaannut ineqarnermut akitsuummik akiliisittassavaa.

Imm. 3. Attartortumut illumumiiginnartumut ineqarnermut akiliut, inissianik attartortitsisarneq pillugu inatsimmi sukkulluunniit atuuttumi kommunip inissiaataannut attartortittakkanut ineqarnermut akiliutip naatsorsorneqartarneranut maledruagassat nalinginnaasut malillugit, aalajangersarneqassaaq.

Imm. 4. Piginneqatigiilluni inissiaatillit peqatigiiffiata malittarisassaanni aalajangersakkat, attartortumut illumumi attartortuuginnartumut, pisussaaffiliippu.

§ 43. Attartortoq inigisaminik attartortittakkamik piginneqatigiilluni inissiamik tigusinissamik kissaateqanngitsoq, aammalu illumumi attartortuuginnartoq, piffissami sukkulluunniit inigisani attartortittagaq piginneqatigiilluni inissiatut tigusinnaavaa. Piginneqatigiilluni inissiaatillit peqatigiiffiat piginneqatigiissutip tunniunneqarneranut akerliusinnaanngilaq.

§ 44. Inissiamik allamik attartornissamik neqeroorut attartortup akuerippagu, communalbestyrelsi inissiamut attartortup inoquaasa amerlassusaannut naapertuutumut, attartortoq neqeroorfingissavaa. Kommunalbestyrelsip, attartortup nuunnermut aningaasartutai naleqquttut, akilissavai.

Imm. 2. Attartortoq inigisani qimallugu nuuppat, communalbestyrelsip tamanna pillugu piginneqatigiilluni inissiaatillit peqatigiiffiat nalunaarfigissavaa. Piginneqataassut atuisinnaatitaaffittaqartoq, Inatsisartut inatsisaannut matumunnga aamma piginneqatigiilluni inissiaatillit peqatigiiffiata malittarisassaannut naapertuutumik, piginneqatigiilluni inissiaatillit peqatigiiffiat aqutigalugu tunineqassaaq.

Imm. 3. Piginneqatigiilluni inissiaatillit peqatigiiffiata piginneqataassut pisisussamut piginneqatigiilluni inissiaatillit peqatigiiffiannit akuerineqarsinnaasumut aammalu Inatsisartut inatsisaanni matumani aamma peqatigiiffiup malittarisassaanni akuerisaasumik, pitsaanerpaamik anguneqarsinnaasumik akeqartillugu, tuniniarsarissavaa. Piginneqatigiilluni inissiaatillit peqatigiiffiata piginneqataassut, pissutissaqanngitsumik kinguarsaanani, tuniniassavaa.

§ 45. Kommunalbestyrelsip piginneqatigiilluni inissiaatillit peqatigiiffiata illumikk attartortittakkanik inissiartaqartumik tigusineranut atatillugu, atugassarititaasut sukumiinerusumik isumaqatigiissutaareersut tunngavigalugit piginneqatigiilluni inissiaatillit peqatigiiffiannit ininik attartornissamut pisinnaatitaaffeqarnissani piumasarisinnaavaat.

Taamatuttaaq tigusinermi attartortut allalluunniit illummut tunngatillugu atuisinnaatitaasut, tassunga ilaallutik inuussutissarsiuutnik ingerlatsinissamik pisinnaatitaaffeqartut, tigusinermi pisinnaatitaaffeqarnerisa atuutiinnarnissaat piumasarineqarsinnaavoq.

Kapitali 5

Tunniussinissaq siunertalarugu kommunip inissialiortarnera

§ 46. Piginneqatigiilluni inissiaatillit peqatigiiffiannut tunniuissinissaq siunertalarugu, kommunalbestyrelsi nutaanik inissialiorsinnaavoq, ilanggullugu piginneqatigiilluni inissiaatillit peqatigiiffiat communalbestyrelsi kisimiilluni piginneqataasuulluni.

Imm. 2. Kommunalbestyrelsi, inissianik nutaanik communalbestyrelsimit pisinissamut, piginneqatigiilluni inissiaatillit peqatigiiffiannut taarsigassarsitsisinnaavoq. §§ 3-10 taamaaqataanik atuutissapput.

§ 47. Piginneqatigiilluni inissiaatillit peqatigiiffiata, communalbestyrelsi kapitali manna malillugu piginneqataalersoq, ineqarnermut akitsummik, inissiamut atuisinnaatitaaffigineqartumut aalajangersagaasumik, akiliisissavaa.

§ 48. Kommunalbestyrelsip inissiat kapitali manna malillugu sanaartorneqartut, inissianik attartortitsisarneq pillugu inatsimmi namminersortut attartortitsisarnerat pillugu maleruagassat sukkulluunniit atuuttut malillugit, attartortissinnaavai. Attartornermut akiliut, annerpaamik piginneqatigiilluni inissiaatillit peqatigiiffiannut ineqarnermut akitsuut 15 %-imik ilassuserlugu, annertussuseqarsinnaavoq.

Imm. 2. Kommunalbestyrelsi piginneqataassutimi, inunnut piginneqatigiilluni inissiaatillit peqatigiiffiata akuersissuteqarneratigut, piginneqatigiilluni inissiaatillit peqatigiiffianni ilaasortanngorsinnaasunut, tunniunniarnissaannut pisussaaffeqarpoq.

Imm. 3. Attartortup inigisani qimallugu nuuppat, communalbestyrelsip piginneqatigiilluni inissiaatillit peqatigiiffiat tamanna pillugu nalunaarfingissavaa.

Imm. 4. Piginneqataassut atuisinnaatitaaffiusoq, Inatsisartut inatsisaannut matumunnga aamma piginneqatigiilluni inissiaatillit peqatigiiffiata malittarisassaannut naapertuuttumik, piginneqatigiilluni inissiaatillit peqatigiiffiat aqqutigalugu, tuniniarneqassaaq.

Piginneqatigiilluni inissiaatillit peqatigiiffiat piginneqataassummik tigusisussamik inummik innersuussinngippat, piginneqataassut tunineqartussatut tamanut ammasumik nalunaarutigineqassaaq.

Imm. 5. Kommunalbestyrelsi piginneqataasutut, attartortup piffissami attartorfiusumi iliuuseqarnerinut, iliuuseqannginnerinut aamma aalajangiinerinut allanut, piginneqatigiilluni inissiaatillit peqatigiiffiannut tunngatillugu, akisussaasuovoq. Attartortoq § 65 malillugu taassuma pisinnaatitaaffiini killiliinerit pillugit allakkatigut ilisimatinneqassaaq.

Imm. 6. Piginneqatigiilluni inissiaatillit peqatigiiffiata malittarisassaanni aalajangersakkat, attartortumut toqqaannartumik pisussaaffiliipput.

Kapitali 6

Piginneqatigiilluni inissiaatillit peqatigiiffiat

§ 49. Piginneqatigiilluni inissiaatillit peqatigiiffiannut ilaasortaq ataaseq piginneqatigiilluni inissiamut ataasiinnarmut atuisinnaatitaalersinnaavoq.

Imm. 2. Piginneqataassut ataaseq inummit ataasiinnarmit pigineqarsinnaavoq.

Imm. 3. Inuinnaat aamma inuit namminersorsinnaatitaasut kisimik piginneqatigiilluni inissiaatillit peqatigiiffiannut ilaasortaasinnaapput.

Imm. 4. Kommuni, imaluunniit sanatitsisoq namminersortoq piginneqatigiilluni inissiaatillit peqatigiiffianni piginneqataasutut inississimappata, imm. 1 aamma 3 atutissanngillat.

§ 50. Piginneqatigiilluni inissiaatillit peqatigiiffianni siulersuisut piginneqataassutinut tamaginnut allattuiffeqartitsissapput aamma piginnittooq, ulloq ilaasortaalerfik, inissiamut atuisinnaatitaaffik aamma ilanngaaseereerluni tunisinermi iluanaarutit ingerlaarneri ilanngullugit.

Imm. 2. Siulersuisut piginneqataasup qinnuiginninneratigut, piginneqataassummut aalajangersimasumut allattukkat pappialangortinnerat upternarsagaasoq, nassutissavaa.

Imm. 3. Naalakkersuisut piginneqataassutsinut allattuiffeqarneq pillugu aalajangersagaliorsinnaapput.

§ 51. Piginneqataasut piginneqataassutsit agorlugit annertussusilerneqarnerat naapertorlugu piginneqatigiilluni inissiaatillit peqatigiiffiata pisuussutaanut piginneqataapput, taannalu piginneqatigiilluni inissiaatillit peqatigiiffianni inigisap angissusaanut tamakkiisumut naleqqiullugu inissiani piginneqataaffiusuni ataasiakkaani inigisap angissusaa naapertorlugu naatsorsorneqartarpooq.

Imm. 2. Kingusinnerpaamik atuilernermi ataatsimeersuartut piginneqataassutsinut naligitinneqartut naleqqussarsinnaavaat.

§ 52. Piginneqataasoq pisussaaffinnut piginneqatigiilluni inissiaatillit peqatigiiffiannut tungassuteqartunut, taamaallaat aningaasanngorlugu aallarniutissatut akiliutiminik, akiliisussaavoq.

Imm. 2. Piginneqataasoq imaluunniit taassuma pigisai, piginneqataasup nutaap piginneqatigiilluni inissiamik tigusinissaata tungaanut, imm. 1 malillugu akiliisussaavoq.

Imm. 3. Piginneqataasut piginneqatigiilluni inissiaatillit peqatigiiffiata pisuussutaanit piginneqataassutaat qularnaveeqqusiissutaasinnaanatillu eqqartuussisutigoortitsissutigineqarsinnaanngillat.

Imm. 4. Piginneqataasoq taamaallaat tunisinermi ilanngaatissat peereerlugit iluanaarutigisinnaasaminik tigusisinnaatitaasussamik piginnaatisisinnaavoq. Tigusisinnaatitaasup piginneqataassutip tunineqarnissaa piumasarisinnaanngilaa. Tunisinermi iluanaarutaajunnartut kisimik eqqartuussivikkut suliassanngortinneqarsinnaapput. Akitsoqarfingeqartup piginneqatigiilluni inissiap tunineqarnissaa siunertalarugu eqqartuussivikkut suliakkiissutigisinnaanngilaa.

§ 53. Piginneqatigiilluni inissiaatillit peqatigiiffianni oqartussaasuni qullersaasut tassaapput ataatsimeersuartut. Ataatsimeersuarnermi piginneqataassut 1 piginneqataasumut taasisinnaatitaassutaassaaq. Ataatsimeersuarnermi taasisinnaatitaasoq tassaavoq piginneqataasut allattuiffianni ateq allassimasoq.

Imm. 2. Ataatsimeersuarnermi piginneqataasut tamarmik immikkut ataatsimik taasisinnaatitaapput. Inatsisartut inatsisaanni matumani, piginneqatigiilluni inissiaatillit peqatigiiffianni malittarisassat imaluunniit peqatigiiffeqarnermut inatsisini maleruagassani nalinginnaasuni allanik aalajangiisoqarsimannngippat, ataatsimeersuarnermi aalajangiinerit nalinginnaasumik taasisut amerlanerussuteqarnerisigut akuersissutigineqartarput.

Imm. 3. Ukiomoortumik ineqarnermut akitsuut, pigineqataasunut ataasiakkaanut akilersinneqartussaq ataatsimeersuarnermi aalajangersarneqartarpoq.

Imm. 4. Naalakkersuisut malittarisassat nalinginnaasut pisussaaffiliisut pillugit maleruagassanik aalajangersaasinnaapput.

§ 54. Ataatsimeersuartut siulersuisunik immaqalu aqutsisumik, ulluinnarni aqutsinermik isumaginnituusussanik qinersissapput. Ataatsimeersuarnermi aqutsisumik toqqaasoqanngippat, siulersuisut piginneqatigiilluni inissiaatillit peqatigiiffiata ulluinnarni aqunneqarnerannik isumaginnituussapput. Peqatigiiffimmi ilaasortat kisimik siulersuisunut qinigaasinjaassuseqarput.

Imm. 2. Piginneqatigiilluni inissiaatillit peqatigiiffiata ulluinnarni aqunneqarnera siulersuisunit isumagineqarpat, piginneqatigiilluni inissiaatillit siulersuisunut ilaasortat piginneqatigiilluni inissiaatillit peqatigiiffiannut aningaasaqarnikkut akisussaaffiinut isumannaallisaatitut siulersuisut akisussaanerinut sillimmasiissapput.

§ 55. Piginneqatigiilluni inissiaq najugaqarfissatut siunnerfeqartinneqartoq, inuussutissarsiornermut atorneqassanngilaq, taamaattorli takukkit imm. 2, aamma § 45.

Imm. 2. Inuussutissarsiutinik ingerlataqarneq illup sullitanit ornigarneqarneranik kinguneqassanngippat, tamannalu najugaqarfittut atuinermut naleqqiullugu annertuallaassanngippat, ataatsimeersuartut piginneqatigiilluni inissiap ilaata inuussutissarsiornermut atorneqarsinnaanera akuerisinnaavaat.

Kapitali 7

Sillimmasiisarneq, aserfallatsaalieuineq allanngortitsisarnerlu

§ 56. Piginneqatigiilluni inissiaatillit peqatigiiffiata illuutaa sukkulluunniit ikuallattoornissamut illutaatalu ajoqusernissaanut sillimmaserneqarsimassaaq.

§ 57. Piginneqatigiilluni inissiaatillit peqatigiiffiata illuutaa inissiallu ataasiakkaat naammaginartumik aserfallatsaalineqassapput. Aserfallatsaalieuineq sanasut suliaattut pitsaassuseqarlutik eqqortumik aammalu sanaartornermi pilersaarusiornermilu inatsisinut atuuttunut naapertuuttumik suliarineqassapput.

Imm. 2. Piginneqataasut ataasiakkaat piginneqatigiilluni inissiat iluanni aserfallatsaaliuinermut nutarterinermullu aningasartuutinut akisussaasuupput akiliisussaallutillu.

Imm. 3. Piginneqatigiilluni inissiaatillit peqatigiiffiat illummut aamma piginneqatigiilluni inissiani ataasiakkaani aserfallatsaaliinerit nutarterinerillu sinnerinut aningasartuutinut akisussaasuuvooq akiliisussaallunilu.

Imm. 4. Ataatsimeersuartut illup iluani silataanilu aserfallatsaaliuinissamut maleruagassanik, piginneqataasut ataasiakkaat ataqqissallugit naammassisallugillu pisussaaffigisaannik akuersisinnaapput.

Imm. 5. Siulersuisut pilersaarutaasumik ataavartumillu aserfallatsaaliuinissamut pilersarusiusapput, aammalu piginneqataasut ataasiakkaat ineqarnermut akitsuut aqutigalugu pilersaarutaasumik ingerlaavartumillu aserfallatsaaliuinissamut akiliisinneqassapput.

§ 58. Piginneqataasup illup iluani aserfallatsaaliuisussaatitaanini sumiginnarpagu, siulersuisut piginneqataasoq allakkatigut piffissap naleqquttup, sukumiinerusumik aalajangerneqartup iluani aserfallatsaaliuinissamik peqqussavaat. Piffissaliussap naanerata kingorna siulersuisut aserfallatsaaliuinissaq suliarineqarsimanersoq paasiniarlugu inissiaq takuniassallugu pisinnaatitaapput.

§ 59. Piginneqataasoq inissiap iluani nalinginnaasunik annikinnerusunillu allannguinissamut pisinnaatitaaffeqarpoq. Inissiap iluani annertuunik allannguisoqassappat, tamanna siulersuisunit akuerineqassaaq.

Imm. 2. Piginneqataasoq pisinnaatitaanngilaq illup silataani annertuunik allannguinissamut, tamanna ataatsimeersuartunit siumoortumik allakkatigut akuerineqarsimannngippat.

Imm. 3. Allannguinerit sanasut suliaattut pitsaassuseqarlutik aammalu sanaartornermut pilersarusiornermullu inatsisit naapertorlugin suliarineqassapput.

§ 60. Kommunalbestyrelsip piginneqatigiilluni inissiaatillit peqatigiiffiannut pitsangorsaanernut taarsigassarsiarititanut imaluunniit piginneqatigiilluni inissiaatillit peqatigiiffiata illuutaata allanngorternissaanut taarsigassarsiarititanut tunngatillugu akilerneqartussat tulleriinnerini nikisitsinissaq akuerisinnaavaa. Kommunalbestyrelsip akilerneqartussat tulleriinnerini nikisitsinissamik akuersinissaanut, tamatuma kingornaniittut qularnaveeqqusiaqarluni taarsigassarsiat akilerneqartussat taamaaqataanik akilerneqartussat tulleriinnerini nikisitsinissamik akuerineqarnissaat, piumasaqaataavoq.

Imm. 2. Kommunalbestyrelsi piginneqatigiilluni inissiaatillit peqatigiiffiata pilersaarutaasumik piffissakkaartumik aserfallatsaaliuinerup aningasalersornissaanut imaluunniit aserfallatsaaliuismannginnerup iluarsineqarnissaanut taarsigassarsiaannut tunngatillugu, akilerneqartussat tulleriinnerini nikisitsinissamik akuersinnaanngilaq.

Imm. 3. Allanngortitsinermi piffissaq akilersuiffissaq sivitsorneqarsimannngippat imaluunniit taarsigassarsiat pingarnerit qaffanneqarsimannngippata, peqatigisaanillu piginneqatigiilluni inissiaatillit peqatigiiffiannut taarsigassarsianit iluanaarutit tunniunneqarsimappata,

kommunalbestyrelsip qularnaveeqquataa, qularnaveeqqusiussaqarluni taarsigassarsitsinermi akiligassat siornaniittut allanngortinneqarnerisa, akilerneqareernerannni akilerneqassapput.

Kapitali 8

Najugaqartussaatitaaneq, attartortitsineq aamma inigisamik allamut attartortitsinissamik akuersisarneq

§ 61. Piginneqataasup inissiami atuisinnaatitaaffigisamini najugaqarnissani pisussaaffiga. Piginneqataasoq imaluunniit inuk, piginneqataasup inoqutaanut ilaasoq, ukiup ataatsip iluani sivikinnerpaamik qaammatini arfinilinni ataannartuni unnusarp, najugaqartussaatitaaneq naammassineqarsimassaq.

§ 62. Siulersuisut qinnuteqartoqartillugu, piginneqataasoq peqanngikkallartussaappat, piginneqataasup piginneqatigiilluni inissiamik inigisaminik inunnut namminersorsinnaatitaasunut attartortitsinissaa akuerisinnaavaat. Qaammatinit 3-nit sivikinnerusumik allamut attartortitsisoqarsinnaanngilaq. Piginneqatigiilluni inissiatillit peqatigiiffiata siulersuisui, piffissap ukiunik 5-inik sivisussusillip iluani piffissamut ataatsimoortumut sivisunerpaamik qaammatinik 12-inik sivisussusilimmik piginneqatigiilluni inissiap allamut attartortinnissa, akuerisinnaavaat.

Imm. 2. Imm. 1-imik piffissamut killiliineq apeqqutaatinnagu, peqanngikkallarnissaa assersuutigalugu napparsimanermik, ilinniagaqarnermik, pinerluuteqarsimasunik inissiisarfimmienermik, imaluunniit piginneqataasup nammineerluni imaluunniit inoqutigiinni ilaasup nuutsikkellarneqarsimaneranik pissuteqarp, piginneqataasoq inissiap attartortinnissaanik qinnuteqarsinnaavoq. Qaammatinit pingasunit sivikinnerusumik inigisamik allamut attartortitsisoqarsinnaanngilaq.

§ 63. Piginneqatigiilluni inissiaatip inummut allamut attartortinneqarnerani, attartortussaq, attartornermut akiliutissap annertussusissaa, inissiallu inummit allamit attartorneqarneranut atugassaritaasut siulersuisunit akuerineqartussaapput. Attartornermut akiliut annerpaamik ineqarnermut akitsuutip annertoqatigissavaa. Pequtit inummut allamut attartortitsinermi isumaqatigiissummut ilaatinneqarpata, attartornermut akiliut annerutinnejqarsinnaavoq, taamaattorli akiliut annertunerpaamik ineqarnermut akitsuut 10%-imik ilallugu annertussuseqarsinnaalluni.

Imm. 2. Inigisamik attartortoq ineqarnermut akilummik piginneqataasumut akiliisassaaq. Allamut attartortitsinermut allaganngorlugu isumaqatigiissutip assilinera, isumaqatigiissuteqareerneremi piaartumik siulersuisunut nassiunneqassaaq.

Imm. 3. Inigisamik allamut attartortitsiniarluni isumaqatigiissuteqarnermi, inigisamik attartortinneqartup piginneqatigiilluni inissiaatillit peqatigiiffiannut, piginneqataasumut inummulluunniit allamut allanik isumaqatigiissuteqarnissaa piumasarineqarsinnaanngilaq. Taamatut isumaqatigiissuteqartoqarsimappat taakkua atuutissangillat. Inigisamik allamut attartortitsinissamik isumaqatigiissut atuutiinnassaaq, kisiannili piumasaqataasut ilanngunneqartut atuutissanatik.

Imm. 4. Inigisamik allamut attartortitsiniarluni isumaqatigiissut inummut ataatsimut tunngasuuvooq. Attartortoq allamut attartortitseqqippat imaluunniit piginneqatigiilluni inissiap attartukkani allamut atortippagu, ilimasaarinertaqanngitsumik allamut attartortitsinissamut isumaqatigiissut atorunnaassaaq aammalu attartortup piginneqatigiilluni inissiaq piaartumik qimallugu nuussaaq. Taamaattoqarpat piginneqataasoq nammineerluni piginneqatigiilluni inissiap najornissaanut pisussaaffeqarpoq.

§ 64. Piginneqataasoq piginneqatigiilluni inissiatillit peqatigiiffinnut tunngatillugu piffissami allamut attartortitsiviusumi attartortup iliuusaannut, iliuuseqannginnerannut aalajangiinerinullu akisussaasuuvoq.

§ 65. Allamut attartortitsinissamut isumaqatigiissuteqarnermi, attartortup § 63, imm. 3 aamma § 79 malillugit pisinnaatitaaffiini killiliinerit, piginneqataasup attartortumut allaganngorlugu nalunaarutigissavai.

Imm. 2. Imm. 1 malillugu paassisutissiisimannginneq, piginneqatigiilluni inissiatillit peqatigiiffiata susassarinngilaa.

Kapitali 9

Piginneqataassutinik tunniussineq

§ 66. Piginneqataassutip atuisinnaatitaaffimmik ilaqrtup tunineqarnissaa imalluunniit allatut tunniunnissaa pillugu isumaqatigiissuteqarnissamut siulersuisut kisermaassillutik aalajangiisinnaatitaapput. Piginneqataasup piginneqatigiilluni inissiatillit peqatigiiffiannit aninissamik kissaateqartup, piginneqataasumut nutaamut piginneqataassutini tunniunneqarnissaanik piginneqatigiilluni inissiatillit peqatigiiffianni siulersuisut qinnuigissavai.

Imm. 2. Piginneqataasoq piginneqataassutimi, tassungalu atatillugu pisinnaatitaaffimmi pisussaaffimmilu piginneqataalersussamut nutaamut tunniunneqarnissaasa tungaanut piginneqatigiilluni inissiatillit peqatigiiffianni ilaasortaaginnassaaq.

§ 67. Piginneqataassummik tunniussinermi piginneqataassutip akia ukunannga qaffasinnerussanngilaq:

- 1) Piginneqataasup aallaqqaatissatut akiliutai.
- 2) Piginneqataasup piginneqatigiilluni inissiaatit pigisarilernerannut atatillugu piginneqatigiilluni inissiatillit peqatigiiffiata taarsigassarsiaanut akiliutigisimasai.
- 3) Piginneqatigiilluni inissiaammi pitsangorsaatit nalingi.
- 4) Piginneqataasup piginneqatigiilluni inissiatillit peqatigiiffianni ingerlatsinermi sinneqartoortitut naatsorsorneqartunit aamma sillimmatisatut illuartitanit atorneqarsimannngitsunit pisassai.
- 5) Piginneqatigiilluni inissiaatip illuutillu aserfallatsaaliorneqannginnerata nalinga ilanngaatigalugu.

Imm. 2. Imm. 2. Imm. 1, nr. 1-imí aamma 2-mi aningaasartaliunneqartut ukiumoortumik januaarip ulluisa aallaqqaataanni erniap kisitsisitaanut 1,5%-imik ilallugu qaffanneqartarpuit. Aallaqqaatissatut akiliutit piffissami piginneqataassutip pisiarineqarfiani qaffanneqartarpuit, taamaattorli siusinnerpaamik atuilernissamut akuersissutip suliarineqarnerani ulluliunneqartoq aallarnerfigalugu. Akilersuutit piffissamit akilerneqarfissaanit qaffanneqartarpuit, taamaattorli siusinnerpaamik atuilernissamut akuersissutip suliarineqarnerani ulluliunneqartoq aallarnerfigalugu.

Imm. 3. Atuilernissamut akuersissutip suliarineqarnissaata tungaanut, piginneqataassut tunniunneqartoq piginneqataasup aallaqqaatissatut akiliutaata nalinganik akeqartinneqartapoq.

§ 68. § 67, imm. 1, nr. 3 naapertorlugit pitsannguinerit inissiapi nutaamik atorsinnaassuseqalersinneqarneranik imaluunniit atorneqarnerata nalingata qaffasinnerulersinneqarneranik paasineqassapput. Pisoqaassuseq aamma nungullarnerit pissutigalugit nalinga ajorseriaateqarsimappat taakku ilanngaatigineqassapput.

Imm. 2. Pitsannguinerit tunniussinermut akiusumut ilaatinneqassappata, tamanna pitsannguinerit naammassineriniit kingusinnerpaamik qaammatit arfinillit qaangiunnerini siulersuisunit allakkatigut akuerineqarsimassaaq.

§ 69. Piginneqataasup toqunerani aappaasoq qimataasoq piginneqataassummik tigusinissamut aamma piginneqataasutut ingerlaannarnissamik pisinnaatitaaffeqarpoq. Katissimallugu aappaasup piginneqataasup toqunera sioqqutitsiarlugu piginneqataasoq illoqatigisimassagaa aammalu inuit nalunaarsorsimaffianni najugaqtigisimassagaa, piumasaqaataavoq.

Imm. 2. Taamatuttaaq inuk, sivikinnerpaamik ukiuni marlunni aammalu piginneqataasup toqunngitsiarnerani aammalu inuit nalunaarsorsimaffianniilluni piginneqataasumut inoquaasoq, pisinnaatitaaffeqarpoq.

§ 70. Piginneqataasoq illumut paaqqinnittarfimmuit assigisaanulluunniit nuuppat, § 69-imí aalajangersakkat taamatuttaaq atorneqassapput.

Imm. 2. Siulersuisut tunngavissaqarluarunik tunniussinissamut akerliusinnaapput.

§ 71. Piginneqataasup averusernerani, avinnerani, imaluunniit piginneqataasup aappaqarnerata atorunnaarsinneqarnerani appariiusuni arlaat piginneqataasutut ingerlaannarnissamut pisinnaatitaaffeqassanersoq, pisariaqassappat akuersissuteqarnikkut eqpartuussinikkulluunniit aalajangerneqassaaq.

Imm. 2. Siulersuisut tunngavissaqarluarunik tunniussinissamut akerliusinnaapput.

§ 72. Piginneqataasup inooqateqarnerminik unitsitsinerani, inooqatigiinnerup unitsinneqarnissaa sioqqullugu piginneqatigiilluni inissiaammi minnerpaamik ukiuni marlunni ataatsimoorlutik aamma inuit nalunaarsorsimaffiat malillugu inoqutigiinniissimagunik, piginneqataasup piginneqataassutini inooqatigisaminut tunniussinnaavaa.

Imm. 2. Siulersuisut tunngavissaqarluarunik tunniussinissamut akerliusinnaapput.

§ 73. §§ 69-72-imi taaneqartunit allaanerusumik pisoqartillugu, piginneqataassutinik tunniussineq piginneqatigiilluni inissiaatillit peqatigiiffiata malittarisassaanni maledruagassiarineqartut naapertorlugit pisinnaavoq.

§ 74. Piginneqataasoq piginneqataassutimi tunniunneqarnissaa pillugu siulersuisunut qinnuteqarpal, piffissaq inissiamit nuuffissaq aamma piffissaq piginneqatigiilluni inissiaammik misissuiffissaq siulersuisut piginneqataasullu allakkatigut isumaqatigiissutigissavaat. Piginneqataasoq misissuinermut peqataanissaminik pisinnaatitaaffeqarpoq, aammattaaq suliamic ilisimasalimmik ilaqluni.

Imm. 2. Misissuinermi siulersuisut misissuinermut nalunaarusiusapput, tassanilu amigaataasinnaasut sumiginnagaasimasinnaasulluunniit, siulersuisut piginneqataasup akisussaaffiisut isumaqarfigisaat allanneqassapput. Piginneqataasoq tamatumunnga isumaqataanngippat, tamanna misissuinermut nalunaarusiami allanneqassaaq, piginneqataasup isummersuutai nalunaarneqassallutik. Misissuinermi illuatungeriit marluullutik peqataasimappata, misissuinermut nalunaarusiaq misissuinermut atatillugu illuatungeriinnit atsiorneqassaaq. Piginneqataasoq taassumaluunniit sinniisigisaa misissuinerup kingunitsianngua nalunaarusiap assilineranik tunineqassaaq.

Imm. 3. Piginneqataasoq taassumaluunniit peqataanissamut piginnaatitaa misissuinermut takkutinngippat, siulersuisut misissuinermut nalunaarusiaq suliassanut, piginneqataasup akiligaanik suliariqartussanut tunngavigissallugu pisinnaatitaaffeqarput.

Imm. 4. Suliassanut piginneqataasup akiligaanik suliariqartussanut aningaasartuutit tunisinermi iluanaarutissanit matussuserneqassapput. Piginneqatigiilluni inissiaatillit peqatigiiffiata aningaasartuutai matussuserneqanngitsut piginneqataasumit inissiamit nuuttumit piginneqatigiilluni inissiaatillit peqatigiiffiannut akilerneqassapput.

§ 75. Piginneqatigiiffimmi inissiat tunniussinissaa sioqqullugu siulersuisut piginneqataalersumut uku tunniutissavaat:

- 1) Piginneqatigiilluni inissiaatillit peqatigiiffiata malittarisassai.
- 2) Ukiomoortumik naatsorsuutit missingersuutillu kingullit assilineri.
- 3) Piginneqataassummik tunniussinermi akiusup qanoq iliorluni naatsorsorneqarsimancerinut takussutissat immikkoortiterlugit allassimaffiat.
- 4) Piginneqatigiilluni inissiat pillugit Inatsisartut inatsisaat sukkulluunniit atuuttoq.

Imm. 2. Piginneqataassummut akiliutissaq piginneqatigiilluni inissiaatillit peqatigiiffiannut akilerneqassaaq, tassanngaanniillu pisassaasinnaasut ilanngaatigereernerini sinneruttut piginneqataajunnaartumut akilerneqassapput. Piginneqatigiilluni inissiaatillit peqatigiiffiata annikitsumik naleqqutumillu piginneqatigiilluni inissiamti piginneqataajunnaartup atuinermut akiligassaanut kingusinnerusukkut matussusiinissamut immikkoortitsisinnaavoq.

Imm. 3. Piginneqataalersup piginneqataajunnaartumut allanik isumaqatigiissuteqarnissaa tunniussinermi piumasarineqarsinnaanngilaq, tassanili pequtit aalaakkaasunngorlugit ikkussat,

piginneqatigiilluni inissiaammut immikkut naleqqussarneqarsimasut
ikkunneqarsimasulluunniit pineqanngillat.

Kapitali 10

Ilaasortaajunnaarsitsineq

- § 76.** Siulersuisut piginneqataasoq ilaasortaajunnaarsissavaat atuisinnaatitaaneralu atorunnaarsissallugu, piginneqataasup:
- 1) Allakkatigut piumaffigineqarnerminiit kingusinnerpaamik ulluinnaat arfineq marluk qaangiunnerini akilinngippagit.
 - 2) Ineqarnermut akitsuutit akilinngassalluunniit tassunga ilaasussat allat akilersimanngippagit, aammalu allakkatigut piumaffigineqarnerminiit kingusinnerpaamik ulluinnaat arfineq marluk qaangiunnerini akilinngitsuukkani akilinngippagit.
 - 3) Siulersuisut akuersiteeqqaarnagit piginneqatigiilluni inissiaat najukkani allamut attartortippagu, aammalu allakkatigut piumaffigineqarnerminiit kingusinnerpaamik ulluinnaat 14-it qaangiunnerini tamanna iluarsisimanngippagu.
 - 4) Piginneqatigiilluni inissiaat najukkani najugaqarfiginngippagu, aammalu allakkatigut piumaffigineqarnerminiit kingusinnerpaamik ulluinnaat 30-t qaangiunnerini tamanna iluarsisimanngippagu.
 - 5) Aserfallatsaaliuinissamut maleruagassat allakkatigut piumaffigineqarnerminiit kingusinnerpaamik ulluinnaat 30-t qaangiunnerini malissimanngippagit.

§ 77. Piginneqataasup qaammatit aqqaneq marluk ataannartut iluanni siulersuisunit allakkatigut minnerpaamik pingasoriarluni piumaffigineqarsimagaluarluni, piginneqatigiilluni inissiaatillit peqatigiiffiata torersaarnissamut maleruagassiaanik malinninnissamut pisussaaffini malinngippagit, piginneqataasoq ataatsimeersuartut ilaasortaajunnaarsissavaat atuisinnaatitaaneralu atorunnaarsissallugu.

Imm. 2. Piginneqataasoq siulersuisunit allakkatigut marloriarluni piumaffigineqarsimagaluarluni § 57, imm. 2 aamma 4 aamma § 58 naapertorlugu inissiap iluani aserfallatsaaliuisimanngippat, tamannalu piginneqatigiilluni inissiaatillit peqatigiiffiata illuutaanik aammalu inissianut ataasiakkaanut ajoqsiisinnanermik kinguneqarsinnaappat, ataatsimeersuartut piginneqataasoq ilaasortaajunnaarsissinnaavaat.

§ 78. §§ 76 aamma 77 naapertorlugit allakkatigut piumasaqaat allakkatut nalinginnaasutut aamma tammatsaalasatut piginneqataasup najukkamini allakkanik tigusisarfianut nassiunneqassaaq. Tamatuma saniatigut pisuni § 76, nr. 3-mi aamma 4-mi taaneqartuni, piumasaqaat piginneqatigiilluni inissiaammut piginneqataasup atuisinnaatitaaffigisaanut, siulersuisunut ilaasortanit marlunnit tunniunneqassaaq. Piginneqataasoq pissarsiarineqarsinnaanngippat siulersuisunut ilaasortat allakkat piginneqatigiilluni inissiaammut, piginneqataasup atuisinnaatitaaffigisaanut tunniunneqarsimanera atsiornermikkut uppernarsassavaat. Uppernarsaatip assilinera erngerluni piginneqatigiilluni inissiaatillit peqatigiiffianni siulittaasumut tunniunneqassaaq.

- Imm. 2.* Ataatsimeersuartut imaluunniit siulersuisut piginneqataasumik ilaasortaajunnaarsitsinermik aalajangererat allakkiatut suliarineqassaaq, tassungalu allakkatigut paassisutissat uku ilaatinneqassapput:
- 1) Ilaasortaajunnaarsitsinermut tunngaviusoq, inatsisitigut tamatumunnga tunngavigineqartoq allallugu.
 - 2) Piginneqatigiilluni inissiaat qaugu qimanneqarsimassanersoq pisattallu annisereersimassanersut.
 - 3) Piginneqatigiilluni inissiaammut matuersaatit qaugu siulersuisunut tunniunneqarsimassanersut.
 - 4) Piginneqatigiilluni inissiaat qaugu misissorneqassanersoq.
 - 5) Piffissap qanoq ilinissaata tungaanut ineqarnermut akitsuut, kiassarneq il.il. akilersorneqassanersut.
 - 6) Aningaasartuutit allat suut piginneqataasup piginneqatigiilluni inissiaatillit peqatigiiffiannut taarsissanerai.

Imm. 3. § 76, nr. 1 aamma 2, aamma § 77 tunngavigalugit ilaasortaajunnaarsitsinermi, atuisinnaatitaaneq sivikinnerpaamik qaammammik ataatsimik sioqqutsilluni nalunaaruteqarnikkut atorunnaarsinnejarsinnaavoq. § 76, nr. 3-5 naapertorlugit ilaasortaajunnaarsitsinermi atuisinnaatitaaneq erniinnaartumik atuuttussanngorlugu atorunnaarsinnejarsinnaavoq.

Imm. 4. Imm. 2 naapertorlugu aalajangiinermik nalunaarut piumasaqaatip nassiunneqartarneratut nassiunneqassaaq, takuuk imm. 1.

§ 79. Piginneqataasoq ilaasortaajunnaarsinnejarpas, inissiamut piginneqataassutaasumut atuisinnaatitaaneq atorunnaassaaq. Peqatigisaanik inissiamik piginneqataassummut attuumassuteqartumik attartortitsinermut imaluunniit inigisamik allamut attartortitsinermut isumaqatigiissut atorunnaassaaq. Attartortup imaluunniit inigisamik attartortinnejartup isumaqatigiissut unioqqutissimanngikkaluarpaguluunniit tamanna atuutissaq.

Imm. 2. Piumasaqaatip naammassineqannginnerani piginneqataasoq piumasaqaammik, ilaasortaajunnaarsinnejarnissamik kinguneqartussamik tigusippat, aammalu piginneqataasup piumasaqaat naammassiniarnagu aalajangersimappat, piginneqataasup attartortoq imaluunniit attartortinnejartoq ilaasortaajunnaarsinnejarnissaq pillugu nalunaarfingissavaa. Piumasaqaammik naammassinninnissamut piffissarititaasup naaneranii kingusinnerpaamik ulluinnaat tallimat qaangiunnerini ilisimatissut allakkatut nalinginnaasutut aamma tammatsaalisaatut attartortup imaluunniit inigisamik attartortinnejartup najukkamini allakanik tigusisarfianut nassiunneqassaaq.

Imm. 3. Imm. 2 ilisimatitsisoqarsimanngippat, tamanna piginneqatigiilluni inissiaatillit peqatigiiffiata susassarinngilaa aammalu attartortup imaluunniit allap attartortinnejartup piginneqatigiilluni inissiaq qimallugu nuunnissamik pisussaaffeqarneranut pingaaruteqarani.

Kapitali 11

Taarsigassarsiat erniaqanngitsut akilersugassaanngitsullu akiligassanngortinnejartarnerat

§ 80. Kommunalbestyrelsi allamik aalajangigaqanngippat, kommunalbestyrelsimit taarsigassarsiarititat erniaqanngitsut akilersugassaanngitsullu akiligassanngortinneqassapput, imatut pisoqartillugu:

- 1) Taarsigassarsitsinermi atugassarititaasut annertuumik sumiginnarneqarpata.
- 2) Piginneqatigiilluni inissiaatillit peqatigiiffiata siulersuisui imaluunniit ataatsimeersuartut §§ 76 aamma 77 naapertorlugit piginneqataasumik ilaasortaajunnaarsitsinissamik pisussaaffimminnik naammassinninngippata.
- 3) Kommunalbestyrelsimit taarsigassarsiarititat saniatigut taarsigassarsiat allat, piginneqatigiilluni inissiaatillit peqatigiiffiata illuutaa qularnaveeqqusiuullugu qulakkeerneqarsimasut atorunnaarsinneqarlutik akiligassanngortinneqarpata.
- 4) Piginneqatigiilluni inissiaatillit peqatigiiffiata illuut ilanngullugillu inissiat ataasiakkaat naamaginartumik aserfallatsaalinnngippagit, aammalu kommunalbestyrelsimit qularnaveeqqusiuissut ajorseriarsinnaappat.
- 5) Piginneqatigiilluni inissiaatillit peqatigiiffiata illuutaa minnerpaamik ikuallattoornissamut illuutillu ajoqusemnissaanut sillimmaserneqarsimanngippat.
- 6) Piginneqatigiilluni inissiaatillit peqatigiiffiata inissiaatai § 55-imi piumasaqaatit unioqqutillugit atorneqarpata.
- 7) Piginneqatigiilluni inissiaatillit peqatigiiffiata kommunalbestyrelsi taassumaluunniit aallartitaa illuummik ilanngullugulu inissianik ataasiakkaanik takuniaanerani isernissaanut tunngavissaqanngitsumik itigartippagu.
- 8) Piginneqatigiilluni inissiaatillit peqatigiiffiata ukiumoortumik naatsorsuutit kingumoortumik misissortinnngippagit imaluunniit piginneqatigiilluni inissiaatillit peqatigiiffiata ukiumoortumik naatsorsuutit kommunalbestyrelsimit taarsigassarsitsisimasumut nassiukkumanngippagit.
- 9) Ukiumoortumik nalunaarusiapi kukkunersiorneqarnera piginneqatigiilluni inissiaatillit peqatigiiffiup naatsorsuusiorneranut tunuarsimaarfekartinneqarpat.
- 10) Piginneqatigiilluni inissiaatillit peqatigiiffiat aningaasanik, pilersaarutaasumik ataavartumillu aserfallatsaalieuinissamut naammattunik akiliisitsisanngippat sillimmatisanillu illuartitsisanngippat.
- 11) Piginneqatigiilluni inissiaatillit peqatigiiffiat pilersaarutaasumik ataavartumillu aserfallatsaalieuinissamut pilersaarusiorsimanngippat.
- 12) Piginneqatigiilluni inissiaatillit peqatigiiffiat atorunnaarsinneqarpat, imaluunniit taassuma inissiaatai piginneqatigiilluni inissiatut atorneqarnerminnit allaanerusumik atorneqalerpata.

Imm. 2. Imm. 1 naapertorlugu taarsigassarsiarititat kommunalbestyrelsimit atorunnaarsinneqannginneranni, pissutsit aaqqinneqarnissaat pillugu qaammammik ataatsimik piffissaliilluni tamanna piginneqatigiilluni inissiaatillit peqatigiiffiannut allakkatigut nalunaarutigineqassaaq.

Kapitali 12

Missingersuutit naatsorsuutillu

§ 81. Piginneqatigiilluni inissiaatillit peqatigiiffiata ukioq naatsorsuusiorfigisaa qaammatinik aqqaneq marlunnik sivisussuseqassaaq. Kisiannili piginneqatigiilluni inissiaatillit peqatigiiffiata ukioq naatsorsuusiorfigisaa siulleq sivikinnerusinnaavoq sivisunerusinnaalluniluunniit, taamaattorli sivisunerpaaamik qaammatinik 18-inik sivisussuseqarsinnaalluni. Taamatuttaaq piginneqatigiilluni inissiaatillit peqatigiiffiata piffissap naatsorsuusiorfigisassaata allanngortinneqarnissaanut atatillugu piffissaq naatsorsuusiorfiusoq sivikinnerusinnaavoq sivisunerusinnaalluniluunniit.

Imm. 2. Piginneqatigiilluni inissiaatillit peqatigiiffiat ukiumoortumik naatsorsuutit kingumoortumik misissorneqarnissaannut kukkunersiuismik naalagaaffimmit akuerisamik imaluunniit kukkunersiusutut nalunaarsorsimasumik atorfinitssissaaq. Kukkunersiusoq kukkunersiuinermi allattaavinnut allattuissaaq.

Imm. 3. Kukkunersiuismik naalagaaffimmit akuerisamik imaluunniit kukkunersiusutut nalunaarsorsimasumik atuinissamut pisussaaffik sapinngisamik siusissukkut piffissani ukunani atuutilissaaq:

- 1) Pisinnaatitaanerup nalunaarsorneqarnerani.
- 2) Piginneqatigiilluni inissiaatillit peqatigiiffiata piginneqatigiilluni inissiaataanik atuilernermi.

Imm. 4. Piginneqatigiilluni inissiaatillit peqatigiiffisa missingersuutinik, ukiumoortumik naatsorsuutinik, oqaaseqaatinik kisitsisinillu pingarnernik suliaqarnissaannut ilusiliinissaannullu Naalakkersuisut maleruagassanik aalajangersaasinnaapput.

§ 82. Piginneqatigiilluni inissiaatillit peqatigiiffiat, communalbestyrelsimit taarsigassarsilluni piginneqatigiilluni inissianik pisimmasoq, ukiumoortumik naatsorsuutit ataatsimeersuartunit akuerineqarneranni erngerluni ukiumoortumik naatsorsuutit assilinerinik communalbestyrelsimit nassiussissaaq.

Kapitali 13

Piginneqatigiilluni inissiaatillit peqatigiiffiannik atorunnaarsitsineq

§ 83. Piginneqatigiilluni inissiaatillit peqatigiiffiata atorunnaarsinneqarnissaa aammalu piginneqatigiilluni inissiaatillit peqatigiiffiata inissiaataasa inissiatut nammineq pigisatut tunineqarnissaat ataatsimeersuartunit aalajangerneqarsinnaavoq.

Imm. 2. Piginneqatigiilluni inissiaatillit peqatigiiffiata inissiaataasa inissiatut nammineq pigisatut tunineqarnissaat siunertalarugu peqatigiiffik atorunnaarsinneqassappat, tamatuma piginneqataasunit tamanit akuerineqartariaqarpoq.

Imm. 3. Atorunnaarsitsineq inunnit marlunnit isumagineqassaaq, taassumalu aappaa tassaassaaq eqqartuussissuserisoq, aappaalu ataatsimeersuartunit toqqarneqassaaq.

Imm. 4. Atorunnaarsitsinermi naatsorsuutit inaarutaasut piginneqatigiilluni inissiaatillit peqatigiiffiata kukkunersiusuanit kukkunersiorneqassappat, aammalu piginneqatigiilluni inissiaatillit peqatigiiffiannut pisortanit taarsigassarsitsisoqarsimappat communalbestyrelsimit nassiunneqassallutik.

Imm. 5. Piginneqatigiilluni inissiaatillit peqatigiiffiata atorunnaarsinnejcarnerata kingorna pisussutsit ilanngaaseriikkat piginneqataasunit, piginneqataassutsinut ataasiakkaanut naligitinneqartut naapertorlugit agguarneqassapput.

§ 84. § 83 imm. 1 naapertorlugu tunisinermut atatillugu piginneqatigiilluni inissiaatillit peqatigiiffiannut Inatsisartut inatsisaat manna naapertorlugu pisortanit taarsigassarsiarititat illuliortiternermut taarsigassarsiat malillugit paarlaassinermut taarsigassarsiarititassanik taarserneqarnissaat piumasarineqarsinnaapput, illuliortiternermut aningaasalersuineq pillugu inatsisit piffissami atuuttut imm. 2-mi allannguutit malitsigisai ilanngullugit.

Imm. 2. Imm. 1 naapertorlugu taarsigassarsiarititassat ullormit pisinissamik isumaqatigiissutip atsiorneqarfianiit ukiuni qulini erniaqartinneqassanngillat akilersugassaassanatillu, tamatumalu kingorna taarsigassarsiat angeqqatigiinnik aningaasartalerlugit ukiuni qulini akilersugassanngortinneqassallutik. Taamaattoq taarsigassarsiat akilersoqarneri kingusinnerpaamik piginneqatigiilluni inissiat peqatigiiffiannut taarsigassarsiarineqaqqaartut assigalugit aallartinneqassapput.

§ 85. § 83 imm. 1 naapertorlugu tunisinermut atatillugu piginneqatigiilluni inissiaatillit peqatigiiffiannut Inatsisartut inatsisaat siusinnerusukkut atuussimasoq naapertorlugu pisortanit taarsigassarsiarititat illuliortiternermut taarsigassarsiat malillugit paarlaassinermut taarsigassarsiarititassanik taarserneqarnissaat piumasarineqarsinnaapput, illuliortiternermut aningaasalersuineq pillugu inatsisit piffissami atuuttut imm. 2-mi allannguutit malitsigisai ilanngullugit.

Imm. 2. Imm. 1 naapertorlugu taarsigassarsiarititassat ullormit pisinissamik isumaqatigiissutip atsiorneqarfianiit ukiuni qulini erniaqartinneqassanngillat akilersugassaassanatillu, tamatumalu kingorna taarsigassarsiat angeqqatigiinnik aningaasartalerlugit ukiuni qulini akilersugassanngortinneqassallutik.

§ 86. Piginneqatigiilluni inissiamik pisisup tunisisullu namminneq pisinermut atatillugu aningaasartuutitik tamaasa akilissavaat.

§ 87. Piginneqatigiilluni inissiaatillit peqatigiiffiat atorunnaarsinnejcarpat, aammalu inissiat siornatigut pisortat attartortittakkatut inissiatigisimappatiget, tamatumunngalu peqatigitillugu piginneqatigiilluni inissiaatillit peqatigiiffiata inissiaatai inissiatut nammineq pigisatut tunineqarnissaat aalajangerneqarsimanngippat, inissiat inissiatut attartortittakkatut nalinginnaasutut Namminersorlutik Oqartussanut imaluunniit communalbestyrelsimit inissianik piginnittuusimasunit tiguneqassapput. Piginneqataasimasut inissiani attartortutut najugaqaannarnissamik pisinnaatitaaffeqarput.

Imm. 2. Attartortitsisup qularnaveeqquummik attartortitsineq pillugu peqqussummi atuuttut naapertorlugit akiliisoqarnissa piumasarisinnaavaa.

Imm. 3. Piginneqatigiilluni inissiaatillit peqatigiiffiata atorunnaarsinnejcarnerani inissiat inissiatut attartortittakkatut nalinginnaasutut atorneqalernissaat pillugu Naalakkersuisut maledruagassiorsinnaapput.

Kapitali 14

Atuutsitsilernissamut aalajangersakkat aamma ikaarsaarnermut aalajangersakkat

§ 88. Inatsisartut inatsisaat ulloq 1. januar 2018 atuutilerpoq.

Imm. 2. Peqatigisaanik piginneqatigiilluni inissiat pillugit Inatsisartut peqqussutaat nr. 2, 16. maj 2008-imeersoq atorunnaarsinnejarpooq.

Imm. 3. Namminersornerullutik Oqartussat kommunillu inissiaataasa attartortittakkat teknikikkut aningaausatigullu nalilivigineqartarerat pillugu Namminersornerullutik Oqartussat nalunaaruaat nr. 9, 12. maj 2003-meersoq, Inatsisartut inatsisaat manna naapertorlugu aalajangersaanikkut allanngortinnejarnissami atorunnaarsinnejarnissamilu tungaanut atuutiinnassaaq.

§ 89. Qinnuteqaatit aamma akuersinerit pillugit piginnittut nikinnerat, taarsigassarsianik allanngortsinerit, akilerneqartussat tulleriinnerini nikisitsinissamik akuersinerit, akiliinissamut naatsorsukkat, taarsiilluni taarsigassarsiaritat il.il., Inatsisartut inatsisaat malillugu kommunalbestyrelsimit nassiunneqartut, Namminersorlutik Oqartussat akiligassaqaarfiullutik taarsigassarsitsinermut tunngassutillit, Namminersorlutik Oqartussanut nassiunneqassapput.

§ 90. Taarsigassarsiaritat aamma taarsigassarsitsinissamik neriorsuutit, ulloq 1. januar 2018 tunniunneqartut imaluunniit tamanna sioqqullugu akuerineqartut, atugassarititaasut allanngortinnagit ingerlateqqinnejarnissapput.

§ 91. Qinnuteqartut ulloq 1. januar 2018 sioqqullugu taarsigassarsitinneqarnissamik neriorsorneqarsimasut aammalu taarsigassarsiarititassat tunniunneqarsimanatik, qinnuteqarneq malillugu Inatsisartut inatsisaanni matumani maleruagassat malillugit nutaamik taarsigassaritinnejarnissaq pillugu neriorsuummik tunineqarsinnaapput.

Namminersorlutik Oqartussat ulloq xx. xx 2017

Kim Kielsen